

Rosenstöcke auff fünfferley Art
zumachen.

Wiltu fünfferley Rosen auff einem Stock haben / so bohre vmb die zeit wann die Körnlein oder Knötlein herauß wachsen / mit einer Ahle vnder sich in den Stammen vnter den Knöpflein / biß an Kern / hencke gesottene Presilien mit einer Federn zum Loch hinein / in einen andern Stamm thu grüne Farb / in den dritten gelbe / vnd so fortan / vnd verstreich die Löchlein wider.

Eine Rosen halb roht vnd halb weiß
zumachen.

Verdeck die Rosen auff den halben theil / zünde dann ein Schwefelkerlein an / vnd laß den Rauch an die halbe Rosen gehen / so wird sie weiß / das ander halb theil ist roht.

Fruchtbare Rosenstock zumachen.

Wann die Rosen gar zeitig sind / so nimbe den Samen ab / vnd im Hornung oder Merzen Sae ihn als andern Samen / darnach vber ein Jahr so verseze ihre Zweig an andere stette / je ein Zweig von dem andern ein Schuch / vnd begieß die stett oft mit lauwlichem Wasser bey den Wurkeln / so werden sie gar fruchtbar.

Floramor / oder roht Sammetblumen zu ziehen / daß sie groß werden.

Wann die außgeschlagen / so läst man die erste Blum zusammen schießen / vnd so bald die Blum worden ist / so ist der Same zeitig / die Sact man wie die andern Nägelein / aber bey dem Bollschein vor Mittag vmb sieben Uhr / wann sie nun im fünfften Blat sind / so soll mans versezen im zunemen desmonds / wann er sechs Tag alt worden ist / in gute Weidenerden / wie zuvor. Diese Blum muß noch so groß werden als die andern.

Wie: